

(一) 段

- 1 天下 事 有 難 易 乎？
- 2 為 之 ，則 難 者 亦 易 矣；
- 3 不 為，則 易者 亦 難 矣。
- 4 人 之為 學 有 難 易 乎？
- 5 學 之 ，則 難 者 亦 易 矣；
- 6 不學，則 易者 亦 難 矣。

(二) 段

1. 吾 資 之 昏 ， 不逮 人也；
2. 吾 材 之 庸 ， 不逮 人也。
3. 旦 旦 而 學 之， 久 而 不怠 焉，
4. 迄 乎 成 ，
5. 而 亦不知 其 昏 庸也。
6. 吾 資 之聰 ， 倍 人也；
7. 吾 材 之 敏 ， 倍 人也。
8. 屏棄 而 不用，
9. 其 與昏 與 庸 無 以 異 也。
10. (然則) 昏、 庸、聰 敏 之 用 ，
11. 豈 有常 哉？

(三) 段

1. 蜀 之 鄙 有 二 僧 ，
2. 其 一 貧 ， 其 一 富 。
3. 貧 者 語 於富 者 曰：
4. 「吾 欲 之南海 ， 何如 ？」
5. 富 者 曰：「子 何 恃 而 往 ？」
6. 曰：「吾 一 瓶 一 鉢 足 矣。」
7. 富 者 曰：「吾數年來欲 買 舟 而 下 ，
8. 猶 未 能 也。子 何 恃 而 往 ？」
9. 越 明 年，貧 者 自南海還，
10. 以告 富 者 ，富 者 有慚 色。
11. 西 蜀 之 去南海，不 知 幾千 里 也，
12. 僧 之富 者 不 能 至 ， 而 貧 者 至 之。
13. 人 之立 志 ，
14. 顧 不 如 蜀 鄙 之 僧 哉 ？

(四) 段

1. 是故 聰 與 敏，

2. 可 恃 而不可 恃 也，

3. 自 恃 其 聰 與 敏而不學 者，

4. 自 敗者 也。

5. 昏 與 庸，

6. 可 限 而不可 限 也，

7. 不 自 限 其 昏 與 庸 而 力學 不倦 者，

8. 自 立 者 也。